

Ineqarnermut, Attaveqarnermut Angallanermullu Naalakkersuisoq
Medlem af Naalakkersuisut for Boliger, Infrastruktur og Trafik

Naalakkersuisut Siulittaasuata tullia
Viceformand af Naalakkersuisut

Inatsisartuni ilaasortaq Hans Enoksen Siumut
-/Maani

§ 36 imm. 1 naapertorlugu apeqquut nr. 2009-125-imut akissut

Asasara Hans Enoksen,

Illuutitut aktiaatileqatigiiffik Illuut A/S pilersinneqalersoq pillugu apeqquteqaatinnut qujavunga. Tassalu Illuut A/S pilersinneqareersutut Naalakkersuisut issuarneqarnerat ilumuunngilaq.

Matuma kinguliani apeqquutit paasiuminartut suliap killiffia eqqarsaatigalugu sapinngisannik akiniaraluassavakka.

Ulloq suna aallarnerfigalugu Illuut A/S pilersinneqarpa?

Akissut: Illuut suli pilersinneqanngilaq, kisiannili siunissami qaninnerpaami pilersinneqarnissaa naatsorsuutigineqarpoq.

Kikkut Illuut A/S-ip siulersuisuiniippat?

Akissut: Siulersuisuni ilaasortassanik suli toqqaasoqanngilaq, kisiannili inuit pingasuunissaat naatsorsuutigineqarpoq, taakkunanngalu ilaasortat marluk sulianik ilisimasaqarnertik, soorlu eqqartuussissuserisuunertik, kukknersuisuunertik, illussanik titartaasartuunertik sociologiunertillu tunngavigalugu toqqarneqassapput, siulersuisunilu ilaasortaq kingulleq Namminersorlutik Oqartussani naalakkersuisoqarfimmi pisortaassalluni.

Illuut A/S-ip Pilersinneqarnerani aningaasaliissutit qanoq amerlatigippat?

Akissut: Nuummi Qapiarfiusaami Blok 11-miit 17-imut ingerlatseqatigiiffimmi aallarniutitut akiliutigineqassapput.

Ingerlatseqatigiiffik qanoq sumiillu aningaasalersorneqarpa?

Akissut: Oqaatigineqareersutut inissiarsuit attartortittakkat ingerlatseqatigiiffimmut aallarniutitut akiliutigineqassapput. Tamatuma kingorna ingerlatseqatigiiffimmi suliassat ataasiakkaat Nunap Karsianit taarsigassarsinikkut imaluunniit tapiiffiqineqarnikkut, immaqqa kommunip akiliuteqarneratigut, kiisalu aningaaserivimmit realkredittimillu taarsigassarsititsisarfinnit aningaasalersuisarneq nalinginnaasoq aqqutigalugu aningaasalersorneqassapput.

9. november 2009
Sags nr.
2009-022063
Dok.nr. 256966

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: aan@gh.gl

Illuut A/S-imut suut pilersaarutaappat?

Akissut: Illuut A/S aalajangersimasumik allaffeqarfeqassanngilaq, ingerlatseqatigiiffik annertunerusutigut tassaassammat "ingerlatseqatigiiffik aningaasaateqanngitsoq", Nunap Karsia taarsigassarsinngikkaluartoq imaluunniit Aningaasanut Inatsimmi aningaasaliissutinik tulleriaarinernik allannguisoqanngikkaluartoq realkredit aqutugalugu inissialiortiternermut aningaasalersuisoqarsinnaalernissaanut ajornarunnaarsitsisussa. Ulluinnarni akisussaaffik aqutsinerlu inunnit, Namminersorlutik Oqartussani ineqarnermut illuuteqarnermullu suliassaqarfimmi akisussaasuusunit isumagineqassaaq. Tassalu sulisorineqartussat suli Namminersorlutik Oqartussani atorfeqartuussapput, kisiannili ingerlatseqatigiiffimmut atukkiunneqaannartassallutik / attartortinneqaannartassallutik. Tassalu inatsisitigut ilusiligaanerani piginneqatigiilluni inissiaatillit peqatigiiffiini Tuapanngvani 1-imiit 7-imut, Peqqik-mi aamma Pingorsuarmi 1-imiit 10-mut periaaseq maanna atorneqartoq atorneqassaaq.

Illuut A/S illoqarfinni qassini sumilu ingerlanneqarniarpa?

Illuut sumiiffinni, realkredittimit taarsigassarsiffiusinnaasuni atorneqarsinnaasasooq, kommunini ataasiakkaani borgmesterinut isumaqatigiissutigineqarpoq. Tassalu Qaqortumi, Nuummi, Sisimiuni Ilulissanilu.

Tamatuma kingorna Aningaasanut inatsimmi aningaasat illoqarfinni allani sanaartugassanut atorneqarsinnaasut amerlanerulissapput.

Inussiarnersumik inuulluaqqusilluta

Jens B. Frederiksen